

增修  
補註 正續歷代通鑑輯覽

四十二

增補  
歷代通鑑輯覽卷之八十九

宋

光宗皇帝

〔庚戌〕紹熙元年

金昌宗環  
昌元年

春正月丙辰朔帝朝壽皇于重華宮

金以完顏守貞

本名左鰲  
固新之孫

爲參知政事

金主新卽政銳意于治嘗問漢宣帝

綜核名實之道其施行之實果何如

守貞誦樞機周密品式詳備以對上

曰行之果何始守貞曰在陛下勵精無倦耳

久之進平府明昌四年召拜平章事

二月殿中侍御史劉光祖

字德安人

乞禁譏議道學者

尚書左丞出知東

直淳熙五年召對論恢復事請以太祖用人爲法及帝卽位殿中侍御史

覲上方嚴其選謂宰臣留正曰卿監郎官中有其人正沈思久之曰得非

劉光祖乎帝曰是久在朕心矣光祖入對卽上疏極論近世譏貶道學之

非

略謂是非不明則邪正互攻公論不立則私情交起此固道之消長時之否泰而實爲國家之

禍福社稷之存亡甚可畏也本朝士大夫學術最爲近古初非有強國之術而國勢寔安根本

深厚咸平景德之間道臻皇極治保太和至于慶歷嘉祐盛矣不幸而壞于豐熙之邪說疏棄正

士招來小人幸而元祐君子起而救之末流大分事故反復紹聖元符之際羣兇得志絕滅綱常

其論既勝其勢既成崇觀而下尙復何言臣始至時聞有譏貶道學之說而實未覩朋黨之分逮

臣復來則朋黨已成而忠諫者獲罪矣夫以忠諫爲罪其去紹聖幾何陛下卽位之初凡所進退

率用人言初無好惡之私豈以黨偏爲主而一歲之內逐者紛紛往往納忠之言謂爲沽名之舉

至于潔身以退亦曰憤懣而然欲激怒于至尊必加之以謗訕臣欲媿將來之禍故不憚反覆以

陳惟望聖心豁然永爲皇極之主使是非由此而定邪正由此而別公論由此而明私意由此而熄道學之譏由此而消朋黨之跡由此而滅和平之福由此而集國家之事由此而理則生靈之反幸社稷之福也不然相激相勝展轉爲禍無窮臣實未知稅駕之所

士王介州金華人策亦言今之所謂道學者卽世之君子正士也君子正士

之名不可逐故設爲此名一網去之聖明在上而天下以道學爲諱將何以立國哉帝嘉歎擢爲第三由是道學之譏少沮

光祖尋以帝用潛邸醫吳端爲閣門宣贊舍人疏諭忤旨出

爲潼川府初置注見前

三月金初設制舉及宏詞科舉無常期上意欲行則特詔天下二科皆以待非常之士也

夏四月以伯圭

秀王子爵長子壽皇母兄

嗣秀王詔卽湖州秀園立廟奉神主建祠臨安

府以藏神御如漢王故事而以伯圭嗣王伯圭謙謹不以近屬自居每入見帝行家人禮宴私隆洽伯圭執臣禮愈恭

秋七月以留正爲左丞相王闡爲樞密使葛邲參知政事胡晉臣簽書樞密院事闡在政府不存形迹除目或自中出未愜人心者闡輒留納之時方

議建皇后家廟闡力爭以爲不可未幾中丞何澹論之遂罷帝以葛邲知

樞密而以晉臣代邲

辛亥二年春二月詔羣臣各言時政闕失時以雷雪交作故有是

金熙昌

年

詔羣臣各言時政闕失

時以雷雪交作故有是

命吏部侍郎陳驥字叔進台臨淄人疏三十條如宮闈之分不嚴則權柄移內謁之

漸不杜則明斷息宴飲不時則精神昏賜予無節則財用竭尤切時病

按

此疏續綱目誤繫于明年驥知

尋詔以米五萬石賑京城權罷修皇后家廟

秋七月金以圖克坦鑑

本名安春上京路明安人按安春舊作按出今改後仿此

爲尚書右丞鑑該習經史

以材能稱而有執守時金主銳意治平鑑上言陛下撫太平之基宜稽古崇德無因物以爲好惡喜怒無以好惡喜怒輕忽小善不恤人言唐陸贊嘗陳隔塞之九弊上有其六下有其三陛下能慎其六爲臣者敢不憤其三哉上下之情通則大綱舉而羣目張矣金主嘉之

未幾罷爲定武軍節度使知平陽府事

冬十一月帝有事于太廟皇后殺貴妃黃氏翼日郊大風雨不卒事而還帝有疾初帝欲誅宦者近習懼遂謀離間三宮帝疑之會帝得心疾壽皇購

得良藥欲因帝至宮授之宦者遂訴于皇后曰太上合藥一大丸俟宮車

過卽授藥萬一不虞奈宗社何后覘藥實有心銜之頃之內宴后請立嘉

王擴爲太子壽皇不許后退持嘉王泣訴于帝謂壽皇有廢立意帝惑之

遂不朝壽皇后以黃貴妃有寵因帝祭太廟宿齋宮后殺貴妃以暴卒聞

翌日合祭天地風雨大作黃壇燭盡滅不能成禮而罷帝既聞貴妃卒又值此變震懼增疾不視朝政事多決于后后益驕恣壽皇聞帝疾亟往南內視之且責后后怨愈深

〔壬子〕三年

金明昌三年

春三月帝疾瘳羣臣請朝重華宮不果行

帝自有疾重

華溫清之禮以及誕辰節序屢以壽皇傳旨而免既而帝神思寢清宰輔百官下至韋布之士以過宮爲請者甚衆至有叩頭引裾號泣而諫者帝開悟有翻然夙駕之意旣而不果行都人始以爲憂

夏四月帝朝重華宮

以邱窑爲四川制置使

初留正帥蜀慮吳氏世將謀去之不果至是議更

蜀帥正言西邊三將惟吳氏世襲兵柄號爲吳家軍不知有朝廷遂以戶部侍郎邱窑往窰陸辭奏曰臣入蜀後吳挺

字仲烈

脫至死亡兵權不可

復付其子臣請得以便宜撫定諸軍許之

六月以陳騤同知樞密院事

冬十一月帝始朝重華宮

日南至丞相留正率百官詣重華宮稱慶兵部

尙書羅點

字春伯

給事中尤袤中書舍人黃裳

字文叔

隆慶人

御史黃度

字紹文

昌興人，尙書左選郎官葉適等上疏請帝朝重華宮不從祕書郎彭龜年

子

清壽江人軍以書譙吏部尙書趙汝愚且上疏極諫略謂壽皇之事高宗備極子道此

陛下所親觀也況壽皇今日止有

陞下一人聖心拳拳不言可知特遇過宮日分陞下或遇其行則壽皇不容不降免到宮之旨蓋爲陞下辭責于人使人不得以竊議陞下其心非不願陞下之來自古人君處骨肉之間多不與外臣謀而與小人謀之所以交關日深疑隙日大今日兩宮萬萬無此然臣所憂者外無韓琦富弼呂誨司馬光之臣而小人之中已有任守忠者在局惟陞下裁察又言使陞下虧過宮定省之

主皆左右小人間謀之罪宰侍從但能推父子之愛調停重華臺諫豈能仗父子之義責望人

主至于疑間之根盤固不去曾無一語及之今內侍間諜兩宮者固非一人獨陳源在壽皇朝得

然後肅命鑾輿負罪引慝以謝壽皇使父子歡然宗社有賴顧不幸歟汝愚入對往復規

諫帝意乃悟汝愚又屬嗣秀王伯圭調護于是兩宮之情始通辛卯帝朝

重華宮皇后繼至從容竟日而還都人大悅

知荆門軍陸九淵字子靜人卒九淵少聞靖康間事慨然有感于復讎之義

訪智勇士議恢復大略乾道中以薦除勅令所刪定官因輪對陳五論一

論仇恥未復願博求天下之俊傑二論願致尊德樂道之誠三論知人之

難四論事當馴致而不可驟五論人主不當親細事未幾以主管台州崇

道觀還鄉及帝卽位差知荆門軍民有訴者無早暮皆得造于庭多所勸

釋嚴保伍之法盜賊屏息荆門爲次邊而無城九淵以爲郡居江漢之間

荆門固則四鄰有所恃乃請于朝而城之逾年政行令修民俗爲變一日

謂僚屬曰某將告終會禱雪明日雪乃沐浴更衣端坐後一日卒

九淵兄九淵兄九淵皆

學行淵粹爲學務窮原本不爲章句詎嘗與朱熹會鷺湖論辨多不合及熹守南康九淵訪之熹病九齡字子壽九韶字子美鷺湖山名山有寺爲朱熹與九淵兄弟會講之所今爲鷺湖書院在江西鉛山縣北白鹿洞注見前

癸丑四年

金明昌四年

正月己巳朔帝朝重華宮

三月帝朝重華宮皇后從

以葛邲爲右丞相陳騤參知政事胡晉臣知樞密院事趙汝愚同知院事

御史汪義端與汝愚有隙上言高宗聖訓不用宗室爲宰執汝愚楚王元佐七世孫不宜用之汝愚亦力辭不許命當制學士申諭上意而黜義端汝愚乃拜命

金弛禁地許民耕種

金主諭點檢司行宮外地及圍獵之處悉與民耕

主金

嘗謂近臣曰凡稱政有異蹟者謂其斷事有軼才也若止清廉此乃本分以貪污者多故顯其異耳又謂近臣事者以方今孝弟廉恥道缺乞正風俗此蓋官吏不能奉宣教化使然今之察舉官吏者多責近效以幹辦爲心其有秉心寬厚欲行德化者輒謂之迂闊故人人皆以教化爲餘事此孝弟所以廢也今之所察舉皆先才而後德巧猾之徒雖有誠污一旦見用猶爲能吏此廉恥之所以喪也又東京路副使王勝追鷹金主遺諭之曰汝職非輕民間利害官吏邪正略不具聞而乃以鷹道此豈汝所職也後毋復爾是年夏百官屢表請上尊號金主曰比年五穀不登百姓流離正當戒懼修省之日豈得虛受榮名邪不許仍斷來章

金以胥持國州參知政事

持國以中經童科入仕爲太子祇應司令

金主在東宮識之及卽位遂大用持國爲人柔佞有智術時昭容李氏得幸

李氏名師兒父湘其家以罪沒入宮籍監金主納之

持國陰附之又多遺賂左右

容亦自嫌門第寒薄欲藉外廷爲重乃數譽持國金主愈信任之表裏擅

政士之好利躁進者爭趨其門四方爲之語曰經童作相監婢爲妃翰林

應奉文字趙秉文

字周臣磁州滏陽人

上書論之且薦完顏守貞可大用金主召問秉

文言頗差異命知大興府事內族曹

音庸續綱目誤作膏本名額里

金宗室也元史類編云避世宗父宗堯諱故凡宗字皆改之

按額里今改後仿此鞠之秉文遂引同議者修撰王庭筠

河東人

御史周昂

字德

定人省令史潘豹鄭贊道高坦等五人皆下獄被斥

明年封昭容爲淑妃復進

封元妃兄喜兒弟鐵哥皆

顧摶勢傾朝野監察御史姬端修上書乞遠小人金主遣李喜兒問端修小人爲誰對曰小人者李仁惠兄弟仁惠喜兒賜名也喜兒以聞金主痛呵責之然不能去及圖日坦鎔入相一日金主

問漢高帝光武孰儼鑑曰光武在位歲久無沈湎冒色之事高祖惑戚姬卒致亂由是晉之光武優金主知其諷諫默然久之姬端修字平叔汝州人本姓宗亦以避諱改

夏五月賜禮部進士陳亮

字永康同父人

及第亮才氣超邁善談兵議論風生下

筆數千言立就所交皆一時豪傑志存經濟隆興初上中興五論不報嘗

環視錢塘喟然歎曰城可灌也蓋以地下干西湖爾淳熙中詣闕上書極

言時事因言錢塘非駐蹕之所壽皇赫然震怒欲榜朝堂以勵羣臣用种放故事召令上殿將擢用之曾覲聞而欲見焉亮恥之踰垣而逃覲不悅

大臣亦惡其切直交沮之待命十日再詣闕上書壽皇欲官亮亮聞而笑曰吾欲爲社稷開數百年之基寧用以博一官乎卽渡江歸

益力學著書其

爲王通、晉荀爽、研窮義理之精微，辨析古今之同異，原心于妙，忽較理于分寸，以積累爲上，以涵養爲正，辟面益背，則于諸儒誠有愧焉。至于堂堂之陳、正、之旗，風雨雲雷，交發而並至，龍蛇虎豹，變見而出沒，推倒一世之智勇，開拓萬古之心，自謂差有一日之長，蓋指朱熹呂祖謙也。

至是策進士問以禮樂刑政之要亮

以君道師道對且曰臣竊歎陛下于壽皇涖政一十有八年之間寧有一政一事之不在聖懷而問安視寢之餘所以察辭而觀色因此而得彼者其端甚衆亦既得其機要而見之施行矣豈徒一月四朝爲京邑之美觀也哉帝得其策大喜以爲善處父子之間御筆擢爲第一授簽書建康府判官廳公事未上一夕卒

利州安撫使吳挺卒邱窑使總領財賦楊輔字嗣勸，遂寧人等權總其軍窑命總領財賦楊輔權安撫使統制官李世廣權總其軍以殺吳氏之權

召浙東副總管姜特立還留正乞罷相不許六月正出城待罪帝念特立不已召之留正引唐憲宗召吐突承璀事乞罷不報乃出待罪六和塔

今在

南臨江杭縣西岸而上疏切諫于是著作郎沈有開著作佐郎李唐卿祕書郎范

黼彭龜年校書郎王奭正字蔡幼學

字行之，溫州瑞安人

顏械吳灝

字德夫，潭州醴陵人

項安世

字子平，今在

人、其先  
江陵人

等上疏乞寢特立召命不報正因繳進前後錫賚及告敕乞歸

田里亦不許正出城待罪凡百四十日帝遣左司徐誼

字子宜一字宏父溫州人

諭旨乃

復入都堂視事復命差特立還浙東

胡晉臣卒 帝自有疾不視朝晉臣與留正同心輔政中外帖然其所奏陳以溫清定省爲先次及親君子遠小人抑僥倖消朋黨啟沃剴切彌縫緝密人無知者

秋七月以趙汝愚知樞密院事余端禮

字處龍游人

同知院事 蜀帥吳挺卒

端

禮謂汝愚曰吳氏世握蜀兵若復承襲將爲後患汝愚是其言合辭以奏

帝意未決及樞密命下汝愚辭不拜帝尋以興州都統制張詔代挺領武

興軍汝愚始受命

按汝愚之辭讀通鑑據光宗紀係于明年正月今從本傳

九月羣臣請帝朝重華宮不聽冬十一月始朝 帝制于后久不朝重華宮

會九月重明節

帝生辰也

羣臣連章請帝過宮不聽而召內侍陳源爲押班中

書舍人陳傅良

字君舉溫州瑞安人

不草詞且上疏力諫給事中謝深甫

字子肅台州臨海人景之之子

言父子至親天理昭然太上之愛陛下亦猶陛下之愛嘉王太上春秋高千秋萬歲陛下何以見天下帝感悟趣命駕往朝百官班立以俟帝出至

御屏后挽留帝入曰天寒官家且飲酒百僚侍衛相顧莫敢言傳良趨進

引帝裾請毋入因至屏后叱曰此何地秀才欲研頭邪傳良痛哭于庭

后益怒遂傳旨罷還內于是著作郎沈有開祕書郎彭龜年禮部侍郎倪

思州歸安人國子錄王介等皆上疏請朝不從十月工部尙書趙彥逾

光德

等上書重華宮乞會慶節勿降旨免朝壽皇曰朕自秋涼以來思與皇帝

相見卿等奏疏已令進御前矣及會慶節帝復稱疾不朝丞相以下皆上

疏自効乞罷黜嘉王府翊善黃裳請誅內侍楊舜卿彭龜年請逐陳源以

謝天下太學生汪安仁等二百一十八人上書請朝重華宮皆不報十一

月彥逾等復力陳帝始往朝

十二月夏主仁孝卒子純佑立夏主在位五十五年始建學校于國中立

小學于禁中親爲訓導尊孔子爲文宣帝然權臣擅國兵政衰弱子純佑

立改元天慶號仁宗

以朱熹知潭州使者自金還言金人問朱先生安在故有是命

〔甲寅〕五年金明昌五年春正月癸亥朔帝朝重華宮癸酉壽皇不豫

葛邲罷邲爲相專守祖宗法度薦進人才博采公論至是罷知建康

判郎紹後

興府簡稽期會鍾義刑獄必親或  
俟有體郊日崇大體而簡細務吾不爲也大臣均

# 金購求遺書

凡崇文總目內所闕書籍悉購之尋又置弘文院譯寫經書

夏四月帝及后幸玉津園羣臣請帝問疾重華宮不從壽皇自正月不豫羣臣請帝省視皆不報四月帝與皇后幸玉津園兵部尙書羅點請先過重華宮且曰陛下爲壽皇子四十餘年無一間言止緣初郊違豫壽皇嘗至南內督過左右之人自此謠間遂生以臣觀之壽皇與天下相忘久矣今大臣同心輔政百執事奉法循理宗室戚里三軍百姓皆無二志設有間離誅之不疑乃若深居不出久虧子道衆口謗讟禍患將作不可以不慮帝曰卿等可爲朕調護之侍講黃裳對曰父子之親何俟調護點曰陛下一出卽當釋然帝猶未許點乃率講官言之帝曰朕心未嘗不思壽皇點曰陛下久闕定省雖有此心何以白白起居舍人彭龜年連三疏請對不報屬帝視朝龜年不離班位伏地叩額血流漬甃帝曰素知卿忠直欲何言龜年奏今日無大于過宮余端禮應曰叩額龍墀曲致忠懇臣子至此豈得已邪帝曰知之然猶不往壽皇疾益甚羣臣上疏請者相繼帝將以癸丑日朝至期丞相以下入宮門俟至日昃帝復辭以疾于是羣臣請

斥罷者百餘人詔不許裳與祕書少監孫逢吉字從之古等再上疏以請起

居郎兼中書舍人陳傅良請以親王執政一人充重華宮使臺諫交章劾內侍陳源楊舜卿林億年離間之罪請逐之

五月壽皇疾大漸詔嘉王擴問疾重華宮

壽皇欲一見帝數顧視左右陳

傅良以帝不往重華宮乃繳上告敕出城待罪丞相留正等率宰執進諫

帝拂衣起正引帝裾泣諫羅點進曰壽皇疾勢已危不及今一見後悔何

及羣臣隨帝入至福寧殿內侍闔門慟哭而出越二日正等又請對帝令

知閣門事韓侂胄

字節夫  
瑞曾孫

傳旨云宰執並出正等俱出浙江亭

即樟亭在今  
浙江杭縣南

北錢塘江待罪壽皇聞之憂甚侂胄奏曰昨傳旨令宰執出殿門今乃出都門

請自往宣押入城于是正汝愚等復還第明日帝召羅點入對點言前日

迫切獻忠舉措失禮陛下赦而不誅然引裾亦故事也帝曰引裾可也何

得輒入宮禁乎點引辛毗事以謝且言壽皇止有一子既付神器惟恐見

之不速耳從官及彭龜年黃裳沈有開奏乞令嘉王詣重華宮問疾許之

王至宮壽皇爲之感動

六月壽皇崩

葬永

帝稱疾不出留正等請壽聖皇太后代行喪禮

壽皇崩

是夕重華宮內侍計于宰執私第趙汝愚恐帝疑惑不出視朝持其劄不  
上次日帝視朝汝愚以聞因請詣重華宮成禮帝許之至日昃不出宰相  
乃率百官發喪將成服留正與汝愚議請壽聖太后暫主喪事太后不許  
正等附奏云臣等連日造南內請對不獲累上疏不得報今當率百官恭  
請若皇帝不出百官相與慟哭于宮門恐人情騷動爲社稷憂乞太后降  
旨以皇帝爲有疾暫就宮中成服然喪不可以無主祝文稱孝子嗣皇帝  
宰臣不敢代行太后壽皇之母也請攝行祭禮太后許之

尊壽聖皇太后爲太皇太后壽成皇后爲皇太后

秋七月留正請建皇太子不許遂稱疾而遁葉適言于留正曰帝疾而不  
執喪將何辭以謝天下今嘉王長若預建參決則疑謗釋矣正從之率宰  
執入奏云皇子嘉王仁孝夙成宜早正儲位以安人心不報越六日又請  
御批云甚好明日宰執同擬旨以進乞帝親批付學士院降詔是夕御劄  
付丞相云歷事歲久念欲退閒正得之大懼因朝佯仆于庭卽出國門上  
表請老且云願陛下速回淵鑒追悟前非漸收人心庶保國祚初正始議  
帝以疾未克主喪宜立皇太子監國若未倦勤當復明辟設議內禪太子

可卽位而趙汝愚請以太皇太后旨禪位嘉王正謂建儲詔未下遽及此他日必難處與汝愚異遂以肩輿五鼓逃去

太皇太后詔嘉王擴成服卽位

寧宗爲是

尊帝爲太上皇帝留正既去人心益

搖會帝臨朝忽仆于地趙汝愚憂危不知所出內禪之議益決屬工部尙

書趙彥逾結殿帥郭杲而與左選郎官葉適左司郎中徐誼謀可以白內

禪之意于太皇太后者乃遣知閣門事韓侂胄侂胄太后女弟之子也侂

胄因所善內侍張宗尹以奏太后不獲命明日往又不獲命逡巡將退內

侍關禮見而問之侂胄具述汝愚意禮令少俟入見太后而泣太后問故

禮對曰聖人讀書萬卷亦嘗見有如此時而保無亂者乎太后曰此非汝

所知也禮曰此事人人知之今丞相已出所賴者趙知院旦夕亦去矣言

與淚俱下太后驚曰知院同姓事體與他人異乃亦去乎禮曰知院未去

非但以同姓故以太皇太后爲可恃耳今定大計而不獲命勢不得不去

去將如天下何願聖人三思太后問侂胄安在禮曰臣已留其俟命太后

曰事順則可令諭好爲之禮報侂胄且曰來早太后于壽皇梓宮前垂簾

引見執政侂胄復命日已向夕汝愚始以其事語陳騤余端禮亟命殿帥

郭杲等夜以兵分衛南北內關禮使傳昌朝密製黃袍是日嘉王謁告不入臨時將禫祭汝愚曰禫祭重事王不可不出翼日甲子羣臣入王亦入汝愚率百官詣梓宮前太后垂簾汝愚率同列再拜奏皇帝疾未能執喪臣等乞立皇子嘉王爲太子以係人心皇帝批出有甚好二字繼有念欲退閒之旨取太皇太后處分太后曰既有御筆相公當奉行汝愚曰茲事重大播之天下書之史冊須議一指揮太后允諾汝愚袖出所擬太后指揮以進云皇帝以疾至今未能執喪曾有御筆欲自退閒皇子嘉王擴可卽皇帝位尊皇帝爲太上皇帝皇后爲太上皇后太后覽畢曰甚善汝愚奏自今臣等有合奏事當取嗣君處分然恐兩宮父子之間有難處者須煩太后主張太后乃命汝愚以旨諭皇子卽位皇子固辭曰恐負不孝名汝愚奏天子當以安社稷定國家爲孝今中外人人憂亂萬一變生置太上皇何地衆扶皇子入素幄被黃袍方卻立未坐汝愚率同列再拜皇子詣几筵奠哭盡哀須臾立仗訖催百官班皇子衰服出就重華殿東廡素幄立內侍扶掖乃坐百官起居訖行禫祭禮尋詔卽以寢殿爲泰安宮以奉上皇民心悅懌中外晏然汝愚之力也

立皇后韓氏后琦六世孫，父同卿，俛胄，同卿之季父也。續綱目以爲后之季父誤。

復召留正赴都堂視事。以趙汝愚兼權參知政事。正既去及帝卽位。以爲大行攢宮總護使入謝。復出城太皇太后命速宣押。趙汝愚復以爲請。帝手札遣使召正還。侍御史張叔椿、諭議正棄國之物而正復相。詔徙叔椿爲吏部侍郎。而正復相。汝愚首裁抑僥倖。收召四方知名之士中外引領望治。按是月除拜諸人續綱目前後參錯。今依寧宗本紀及宰輔表改正。

加殿前都指揮使郭杲武康節度使知閤門事韓俛胄汝州防禦使。韓俛胄欲推定策功。趙汝愚曰。吾宗臣汝外戚也。何可以言功。惟爪牙之臣。則當推賞。乃加杲節鉞。但遷俛胄防禦使。俛胄大失望。然以傳導詔旨。浸見親幸。知臨安府徐謹告汝愚曰。俛胄異時必爲國患。宜飽其欲而遠之。不聽汝愚欲推棄適之功。適辭曰。國危效忠職也。適何功之有。及聞俛胄觖望。言于汝愚曰。俛胄所望不過節鉞。

宜與之不從。適歎曰。祐自此始矣。遂力求補外。

以趙汝愚爲樞密使。汝愚旣免兼參知政事。詔拜右丞相。汝愚辭曰。同姓之卿不幸處君臣之變。敢言功乎。乃命爲樞密使。尋又以羅點

貶內侍陳源等十人。侍御史章穎字茂獻。臨江軍人。論源及楊舜卿林億年離間之罪。詔皆貶官斥外。

八月召知潭州朱熹爲煥章閣待制兼侍講。先是黃裳爲嘉王府翊善。光